



Broj: 04-20-667-1/23
Ključ, 07.04.2023. godine

Na osnovu člana 40. Statuta Općine Ključ („Službeni glasnik Općine Ključ“, broj: 3/10 i 3/11) i člana 7. Pravilnika o utvrđivanju uslova za ostvarivanje prava za podsticaj proizvodnje povrća u zatvorenim prostorima, plastenicima u 2023. godini, broj: 04-20-667/23 od 05.04.2023. godine, Općinski načelnik Općine Ključ raspisuje:

JAVNI POZIV

ZA UČEŠĆE U PROGRAMU PODSTICAJA PROIZVODNJE POVRĆA U ZATVORENIM PROSTORIMA, PLASTENICIMA U 2023.GODINI NA PODRUČJU OPĆINE KLJUČ

I. PREDMET JAVNOG POZIVA

Predmet Javnog poziva je prikupljanje prijava za podsticanje proizvodnje povrća u zatvorenim prostorima, plastenicima u 2023.godini

II. IZVOR I VISINA NOVČANIH SREDSTAVA

Osigurana novčana sredstva za Program podsticaja proizvodnje povrća u zatvorenim prostorima, plastenicima u 2023. godini su sredstva iz Budžetu općine Ključ za 2023.godinu sa ekonomskog koda 614500, "Podsticaj poljoprivrednoj proizvodnji" u iznosu od 10.000,00 KM.

III. PRAVO UČEŠĆA

Pravo učešća po ovom Javnom pozivu imaju korisnici: pravna lica, obrtnici i fizička lica sa područja općine Ključ, koji poljoprivrednu proizvodnju ostvaruju na području općine Ključ a izvršili su nabavku/kupovinu presadnica povrća od ovlaštenih proizvođača presadnica, koji su obaviti sadnju i proizvodnju povrća u zatvorenim prostorima – plastenicima u 2023.godini i ispunjavaju uslove određene u tački V. ovog Javnog poziva.

IV. USLOVI KOJE MORAJU ISPUNJAVATI KORISNICI

Korisnik – pravno lice, obrtnici i fizička lica mora ispunjavati slijedeće uslove:

- da je upisan u Registar poljoprivrednih gazdinstava (RPG) i Registar klijenata (RK) u općini Ključ;
- da je ažurirao/izvršio promjenu podataka u RPG i RK u općini Ključ za 2023.godinu,
- da posjeduje platenik/e minimalne površine 100 m²,
- da je izvršio nabavku/kupovinu presadnica povrća u 2023.godini od strane registriranog proizvođača presadnica – minimalno 2,5 kom/m²
- da obavi sadnju i ostvari proizvodnju u 2023.godini na području općine Ključ, što će provjerom na terenu (na 10% podnesenih zahtjeva metodom slučajnog uzorka) utvrditi nadležna Služba za razvoj, privredu i civilnu zaštitu.

V. POTREBNA DOKUMENTACIJA ZA PRIJAVU

Za prijavu na ovaj Javni poziv korisnici su dužni dostaviti slijedeću dokumentaciju:

- popunjen Obrazac prijave za Javni poziv
- fiskalni računi/fakture o izvršenoj kupovini presadnica u 2023.godini – (original ili ovjerena kopija),
- deklaracije o kvalitetu presadnica – (kopija)
- potvrde o kvalitetu i zdravstvenom stanju sadnog materijala povrća i ukrasnog bilja - (kopija)

VI. NAČIN PREUZIMANJA OBRAZACA ZA PRIJAVU

Obrazac za prijavu na Javni poziv za prikupljanje prijava za program podsticaja proizvodnje povrća u zatvorenim prostorima, plastenicima u 2023.godini u 2023.godini, može se preuzeti sa službene internet stranice Općine Ključ, www.opcina-kljuc.ba ili u prostorijama Općine, kancelarija broj 8, ulica Branilaca BiH br. 78, 79280 Ključ, svakim radnim danom u vremenu od 07:30 -15:00 sati.

VII. NAČIN PODNOŠENJA PRIJAVA

Dostavljanje prijava sa svom propisanom dokumentacijom na Javni poziv se vrši preporučeno poštom ili lično u šalter Sali općine Ključ, u zapečaćenoj koverti na adresu:

Općina Ključ, ulica Branilaca BiH br. 78, 79280 Ključ

sa naznakom: *Ne otvaraj – „Prijava na Javni poziv za učešće u programu podsticaja proizvodnje povrća u zatvorenim prostorima – plastenicima u 2023.godini“.*

Na poleđini koverta navesti naziv pravnog lica/obrtu, ime i prezime fizičkog lica podnosioca prijave i adresu.

VIII. PROVJERA STATUSA PODNOSIOCA PRIJAVE

Provjera statusa pravnog lica, obrtnika i fizičkog lica u Registru poljoprivrednih gazdinstava i/ili Registru klijenata će se vršiti po službenoj dužnosti u Službi za razvoj, privredu i civilnu zaštitu.

IX. IZNOS SREDSTAVA PO KORISNIKU

Sredstva će biti proporcionalno raspoređena svim korisnicima a vršiće se na osnovu dostavljenih fiskalnih računa/faktura.

Maksimalan iznos novčane podrške koji krajnjem korisniku može biti odobren za podsticaj proizvodnje povrća u zatvorenim prostorima, plastenicima u 2023.godini će iznositi do 100% od iznosa dostavljenog na fiskalnim računima/fakturama.

X. REZULTATI JAVNOG POZIVA

Nakon utvrđivanja ispunjavanja uslova po Javnom pozivu za učešće u programu podsticaja proizvodnje povrća u zatvorenim prostorima, plastenicima u 2023.godini, odlukom Općinskog načelnika će se odobriti isplata novčanih podrški u visini utvrđenoj nakon obrade pristiglih prijava.

Javni poziv i rezultati ovog Javnog poziva biće objavljeni na službenoj web stranici Općine Ključ, www.opcina-kljuc.ba i na oglasnim pločama Općine Ključ.

XI. ROK PODNOŠENJA PRIJAVA

Javni poziv ostaje otvoren 22 dana od dana objave (do 28.04.2023.godine) i biće objavljen na internet stranici Općine Ključ, oglasnim pločama općine Ključ.

Nepotpune i neblagovremene prijave neće se uzeti u razmatranje.

XII. DODATNE INFORMACIJE

Za sve dodatne informacije možete se obratiti lično u kancelariju broj 8a. ili putem telefona 037/316-232.

Obrađivač:

Služba za razvoj, privredu i civilnu zaštitu

Dostavljeno:

1. Oglasna ploča
2. službena internet stranica Općine
3. a/a

OPĆINSKI NAČELNIK

Nedžad Zukanović prof.